

## Chatrina Josty ha preschentà ses Barbacor

■ (anr/fa) «Barbacor/Herzkater» sa numna l'emprim cudesch da l'autura Chatrina Josty. Quel è cumpari sco emprim tom da la nova retscha «Ord chadaina» da la Chasa Editura Rumantscha (CER). L'autura tutgä sezztar la generaziun Y, la generaziun «why?», ha ditg dumengia *Anita Capaul* a chaschun da la vernissascha dal cudesch da *Chatrina Josty*. «Ses texts raquintan dad ina generaziun che viva en in mund global, simultan e sgragischà. En la tema dal spazi vid da nossa socie-

tad inundada da pussaivladads emprovan tuts da chattar respostas en il fidà», ha ditg la manadra da la CER ed agiunt che l'autura Josty articuleschia en moda sensibla, averta e subtila sias dumondas ed emozius. «Ils texs èn curts, averts e directs, nus lecturs vegnìt ad ans sentir traplads.» Quai è era stà il cas cur che Josty ha prelegìt ina tscherna da ses texts. Il nov cudesch è illustràt cun maletgs da l'autura, elavurads da l'artist *Donat Caduff*. Per l'accompagnament musical ha procurà *Roland Vögli* da Scuol.



Il musicist Roland Vögli e l'autura Chatrina Josty en discussiun cun il secretari general da la LR Martin Gabriel.

FOTO F. ANDRY

## Biografias optimadas en la Litteratura 36

■ (anr/fa) En il center dals Dis da litteratura 2017 era il gieu. Er cun scriver ils texts per la Litteratura 36 han giì las auturas edils auturs la libertad da giugiar cun il tema «biografia». Ils Dis da litteratura da quest onn a Domat sa numnavan «27avels gieus da litteratura». Il program cunteneva divers «gieus», ed in da quels era ina purscheda che sa numna per englais «Living Library». I sa tracta d'ina librarria viventa, enstagl dals cedeschs raquintan personas or da lur vita, or da lur biografia. La redactura ed il redactur da la Litteratura 36, *Silvana Derungs* e *Benedetto Vigne*, han perquai deditgà la revista al tema «biografia». Al cumenzament da quest onn han els envidà auturas ed auturs rumantschs da scriver in text cun quel tema. Els na tschertgian dentant betg, u betg en emprima lingia, biografias ed autobiografias en il senn convenzional. «Nus tschertgain surtut la

variazion, il gieu cun ina biografia, cun l'atgna biografia u era cun biografias da chaussas u da lieus», han expligtgà Derungs e Vigne a las auturas ed als auturs potenziels. «Ils texts ch'en vegnids inoltrads surpassan pulitamain la visiun che nus avevan», ha ditg Derungs sonda a Domat als Dis da litteratura cun preschentiar la Litteratura 36. I tanischian dal raquint d'ina figura istorica inventada fin tar la «vaira» biografia fictiva, ha cuntinuà Vigne, «quai cumpliglia las biografias d'in crap e d'ina lindorna, quai concentrescha in'entira vita sin in quart d'ura avant gentar, quai cumbinescha purtrets da vischins cun la biografia d'ina ustaria e bler autre pli.» La Litteratura da quest onn cuntenga er intgins auters texts, recensius e translaziuns sco era ils texts dal Premi Term Bel 2016 e da la concurrence da scriver plurilingua Linguissimo da quest onn.



Silvana Derungs e Benedetto Vigne, che han cumplì la Litteratura 36, en discussiun.

FOTO F. ANDRY



Flurin Bott, Annina Jenal e Donata Ernst cun lur texts ch'els han prelegì per il public dals Dis da litteratura a Domat.

FOTO F. ANDRY

## La nova generaziun d'auturs ha impressiunà

■ (anr/fa) 208 uffants e giuvenils da tut l'intschess rumantsch èn sa participats quest onn a la concurrence da scriver «Pledpierla/Plima d'aur». Trais victuras e victurs han pudi prelegier lur texts a Domat. Cun las concurrenzas da scriver Plima d'aur e Pledpierla vul la Lia Rumantscha (LR) promover il plaschair da scriver d'uffants,

giuvenils e giuvens creschids da 9 a 25 onns. Per la seconda giada han ils promouturs regiunals da la LR, *Carmen Dedual*, *David Flepp* e *Mario Pult*, organisa la concurrence ensemble. Il tema da quest onn era «In di da nar». En tut èn vegnids inoltrads 104 texts da l'Engiadina e Val Müstair, 48 texts sursilvans e 56 texts sutsilvans e surmirans.

La premiazion ha gì lieu la fin da settember al medem mument a Lavin, Trun e Savognin. Er quest onn han dà ils organisaturs dals Dis da litteratura a Domat l'occasiun a victuras e victurs da prelegier lur texts. Dumengia han prelegi *Flurin Bott* da S-chanf, *Donata Ernst* da Sagogn ed *Annina Jenal* da Sa-vognin.



Dominique Dosch, Martin Camenisch ed Annetta Ganzioni han preschentà la revista Quattro 44.

FOTO F. ANDRY

## La naiv inspriescha poets e poetessas

■ (anr/fa) Il numer 44 da la revista Quarto da l'ASL porta il titel «Scrit... en la naiv». Han auturs ed auturas che viyan en muntnoga ina relaziun particolar cun la naiv ch'els enconuschan dapi lur emprims dis? Per l'emprima giada s'occupa il Quarto da l'Archiv Svizzer da litteratura (ASL) gist cumpari oravant tut da la litteratura rumantscha. Sonda ha

Annetta Ganzioni, romanista e collavuratura scientifica da l'ASL, preschentà questa revista a chaschun dals Dis da litteratura a Domat. Ella ha fatg quai ensemble cun *Martin Camenisch* e *Dominique Dosch* e cun l'accompagnament musical da *Pascal Gamboni*. «La naiv ha fascinà numeros artistas e poets, multifars èn ils motivs litterars da la naiv pli vegls e pli

noves», ha ella ditg, «da l'emprima naiv bramada natiers che fa givlar ils uffants e snuir ils vegls, la naivetta che mida guaud e prà e fa perder il mund ses pais, la passion alpinista fin tar la sgarschur da la lavaña e da la mort.» En il Quarto 44 chattan ins texts e poesias dad *Attilio Bivetti* fin tar *Clà Riatsch* e fotografias da *Jules Spinatsch*.